

P. 54, L. 7【觀因緣生心】《摩訶止觀》卷4：「『觀心為因緣生法』者，若觀一念心從惡緣起，即能破根本乃至破不雜戒，與善相違，故名為惡。今以善順之心防止惡心，能令根本乃至不雜等戒善順成就，得無毀損，故稱善心，名為防止。……次觀善惡『因緣所生心即空』者，如《金剛般若》云：「若見法相者，名著我、人、眾生、壽者；若見非法相者，亦著我、人、眾生、壽者。不見法相、不見非法相，如筏喻者，法尚應捨，何況非法？」故知法與非法，二皆空寂，乃名持戒。……由此觀故，能順無漏，防止有、無，六十二見，故名『隨道戒』。若重慮此觀，思惟純熟，歷緣對境，於一切色、聲，皆悉即空，名『無著戒』。防止思惑，善順真諦，是名觀因緣心『即空』持二種戒也。次觀『因緣心即是假』者，知心非心，法亦非法，而不永滯非心非法。以道種方便，無所有中，立心、立法，拔出諸心數法，導利眾生，為『智所讚』。雖廣分別無量心法，但有名字，如虛空相，不生愛著，惑相不拘，名為『自在』。如此假觀，防止無知，善順俗理；防邊論止，順邊論觀，即是『假觀』持兩戒也。次觀『因緣生心即中』者，觀於心性畢竟寂滅，心本非空亦復非假。非假故非世間；非空故非出世間。非賢聖法，非凡夫法；二邊寂靜，名為『心性』。能如是觀，名為『上定』。心在此定即『首楞嚴』。本寂不動，雙照二諦，現諸威儀，隨如是定，無不具足。如是觀心，防止二邊無明諸惡，善順中道一實之理；防邊論止，順邊論觀，此名『即中』而持兩戒也。」(T46, p. 37a9-b19)

世間善心→肉眼。世間禪定→天眼。空觀→慧眼。假觀→法眼。中觀→佛眼。

P. 54, L. 9【房宿】星宿^{ㄈㄨˊ ㄙㄨˋ}名。二十八宿之一，東方蒼龍七宿之第四宿。有天蝎座的四顆星。古時以為主車馬，故稱之為天駟、房駟。～《漢語大詞典》光宅《法華經義記》卷1〈序分·1 序品〉：「劫賓那者，亦是外國語，此間翻言『坊宿』。正言此人在僧坊中宿，如來知其根熟，仍化作老比丘與同共宿，即於爾夜化令得道，故言坊宿也。」(T33, p. 579a17-20)《妙法蓮華經文句》卷1〈序品〉：「此翻房宿(音秀)，父母禱房星感子故，用房星以名生身也。是比丘初出家未見佛，始向佛所，夜值雨，寄宿陶師房中，以草為座。晚，又一比丘亦寄宿，隨後而來，前比丘即推草與之，在地而坐。中夜相問：「欲何所之？」答：「覓佛。」後比丘即為說法，辭在《阿含》可撿取，豁然得道。後比丘即是佛也。共佛房宿(音夙)，得見法身，從得道處為名，故言劫賓那。」(T34, p. 16a5-13)

又，師通曉天文曆數，能知星宿，為眾僧中第一。依《賢愚經》卷七〈大劫賓寧品〉之記載，師為金地國國王劫賓寧之子，稟性聰明，大力勇健，父王

駕崩後，嗣承王位，兵眾殷盛，威風遠振，聞舍衛國出上好細氈，遂遣使向舍衛國王波斯匿要求朝貢。時佛在祇洹精舍，自化為轉輪聖王，接見使者，勸金地國王前來受教，王即率一萬八千小王來謁化王。見化王之神通變現後，乃告信伏，遠離塵垢，而得法眼淨。時，王與小王並皆出家，且證得阿羅漢果。師歸依佛陀後，常勇猛精進，端住三昧，教誡比丘。如《阿羅漢具德經》云：「言直無隱，警誡諸苾芻，劫賓那苾芻是。」(T02, p. 831, c4-5) ~ 《中華佛教百科全書》《妙法蓮華經文句》卷1〈序品〉：「毘沙門持蓋隨賓那後，毘沙門是宿主，主既侍奉，星宿亦然。此比丘善占星宿，明識圖像，從解得名，名劫賓那。」(T34, p. 16, a13-16)

P. 54, L. -6【根塵房舍】《法華經文句記箋難》卷1〈序品第一〉：「根塵房舍。以識於根塵中住，故指之以為房舍。今分別能住房舍之心，體是佛性，故云也。非塵為佛性。」(X29, p. 497b17-18)

P. 54, L. -3【憍梵波提】《楞嚴經正脈疏》卷5：「我有口業。於過去劫。輕弄沙門。世世生生。有牛舐病。見老僧無齒而食。笑之說其似牛。故世世感生牛舌。常如牛舐。」(X12, p. 335, a20-22)《妙法蓮華經文句》卷2〈序品〉：「人但觀形，不知有德，若笑羅漢即得罪，避人笑故，常居天上，天知有德，不笑其形，故居天也。」(T34, p. 16b14-17)《法華文句記》卷2〈釋序品〉：「牛舐者，過去世時曾作比丘，過他粟田摘看生熟，後五百歲作牛償之，今得無學尚有餘習。」(T34, p. 177, b25-27)《根本說一切有部毘奈耶破僧事》卷6：「時波羅痾斯城諸長者等，聞第一長者子耶舍，剃除鬚髮被於法服，隨佛世尊而作弟子。其第二長者子名曰富樓那，其第三長者子名曰無垢，第四長者子名曰憍梵拔提，第五長者子名曰妙肩，聞耶舍出家，咸作是念：『今耶舍童子生於貴家，富有珍寶、身體端嚴、恒受快樂，捨其所好為佛弟子。將知如來甚大威德、法亦微妙，我等應當剃除鬚髮侍養如來學受勝法。』作是議已即共同心，從波羅痾斯城至世尊所，禮世尊足在一面立，白佛言：『世尊！願與妙法，我等出家為佛弟子，依如來教奉持梵行。』」(T24, p. 129, c11-23)《大智度論》卷2〈序品1〉：「爾時，諸阿羅漢議言：『誰能結集毘尼法藏者？』長老阿泥盧豆言：『舍利弗是第二佛，有好弟子，字憍梵波提，柔軟和雅，常處閑居，住心寂燕，能知毘尼法藏；今在天上尸利沙樹園中住，遣使請來。』」(T25, p. 68, b17-22)佛陀入滅後，迦葉等諸尊者結集法藏時，遣人至天宮將其迎回，師問和上舍利弗今在

何所？摩訶目伽連今在何所？長老阿難今何所作？羅睺羅復云何？始知世尊及舍利弗等已入滅，故亦自入涅槃。《大智度論》卷2〈序品1〉：「憍梵波提言：「我失離欲大師，於是尸利沙樹園中住，亦何所為？我和上、大師皆已滅度，我今不能復下閻浮提，住此般涅槃。」說是言已，入禪定中，踊在虛空，身放光明；又出水火，手摩日月，現種種神變，自心出火燒身，身中出水，四道流下，至大迦葉所。水中有聲，說此偈言：「憍梵鉢提稽首禮，妙眾第一大德僧，聞佛滅度我隨去，如大象去象子隨！」」」(T25, p. 68, c19-p. 69, a6)

P. 54, L. -2【示善示惡】《法華文句記》卷2〈釋序品〉：「約教中皆著『**示**』者，若作垂示，義兼本迹；若作教示，正當約教。約觀心中，正用丈夫牛王，而通取白牛引駕。」(T34, p. 177c3-5)

P. 55, L. 1【安步平正】參考本書 p. 247+249。《妙法蓮華經》卷2〈譬喻品3〉：「爾時長者各賜諸子等一大車，其車高廣，眾寶莊校，周匝欄楯，四面懸鈴；又於其上張設幟蓋，亦以珍奇雜寶而嚴飾之，寶繩絞絡，垂諸華纓，重敷綰綖，安置丹枕。駕以白牛，膚色充潔，形體姝好，有大筋力，行步平正，其疾如風；又多僕從而侍衛之。」(T09, p. 12, c18-24)《妙法蓮華經玄義》卷5：「點**實相**為**第一義空**，故言有大白牛，肥壯多力，行步平正，其疾如風。智慧無染，名為白。能破惑，故名多力。中道慧，名平正。入無功用，故其疾如風。」(T33, p. 743, b2-6)《妙法蓮華經文句》卷5〈釋譬喻品〉：「行步平正以譬定慧均等，又譬七覺調平。其疾如風者，入正道中行，速疾到薩婆若。」(T34, p. 72, b6-8)「駕以白牛，其疾如風」為第四**破法徧**之據，以白牛拉車速疾，喻一心同時觀照中道與空假二邊，其智德融妙，三惑同時斷盡。「有大白牛，肥壯多力，形體姝好，以駕寶車」為第六**修道品**之據，以白牛能引大車，喻三十七道品能為前導，引行者至妙覺道場。～《中華佛教百科全書》